



Inatsisartunut ilassortaq Andreas Uldum, Demokraatit

INDGÅET

28 FEB. 2014

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37, imm. 1 naapertorlugu piniarnermut allagartat pillugit apeqquteqaat nr. 43.

27-02-2014
Sags nr. 2014-096771
Dok. nr. 1501585

Inatsisartut suleriaasaanni § 37, immikkoortoq 1 naapertorlugu piniarnermut allagartat pillugit Naalakkersuisunut apeqquteqarsimavutit. Apeqquteqaat susassaqarfinni akisassanngortinneqarsimavoq.

Postboks 269
3900 Nuuk

Tlf. (+299) 34 50 00
Fax (+299) 34 63 55

E-mail: apnn@nanoq.gl
www.naalakkersuisut.gl

Naalakkersuisunut apeqqutit:

- 1. Naalakkersuisunut nassuiaqquneqarpoq inuutissarsiutigalugu piniartunut pinaluttartunullu piniarnermut allagartamik tunniussinermi suut tunngavigineqartarnersut ilanngullugit malittarisassanut tunngatillugu nunap immikkoortuini assigiinngitsuni malittarisassat assigiinngissuteqarnersut. Nassuiaammut aamma ilannguteqquneqarpoq naggataatigut kiap aalajangertarneraa piniarnermut allagartaq tunniunneqassanersoq tunniunneqassannginnorsorluunniit.**

1 malillugu. Piniarnermut allagartanik atulersitsisinnaanermut aalajangersakkat Piniarneq pillugu Inatsisartut inatsisaat nr. 12, 29. oktober 1999-imeersumi kingornalu allannguutaasut ilanngullugit allaaserineqarput. Inuussutissarsiutigalugu sunngiffimmilu piniarnermut allagartat pillugit nalunaarusiortoqarnikuuvoq, taakkunani sukumiinerusumik maleruagassiortoqarsimalluni.

Piniarnermut allagartat atulersinneqarsinnaanerat nalornissutigineqartillugu, Aalisarnermut, Piniarnermut Nunalerinermullu Naalakkersuisoq aalajangiisussaatitaavoq. Innuttaasoq piniarnermut allagartartaarnissaminut itigartitaasimasoq, Aalisarnermut, Piniarnermut Nunalerinermullu Naalakkersuisoqarfimmut naammagittaalliorsinnaavoq. Naammagittaalliuut Naalakkersuisoqarfimmit itigartinneqarpat, innuttaasup suliaq Ombudsmandimut ingerlateqqissinnaavaa eqqartuussivimmiluunniit suliassanngortillugu. Inatsimmi nalunaarutiniluunniit nunap immikkoortui, piniarnermut allagartanik agguassisarnermi assigiinngissuseqanngillat.

Piumasaqaatit eqquutsinneqarsimanersut kommuunit uppersarneqartarpoq. Assersutigalugu kommuuni PIN-listemik taaneqartartumik nassiussissaaq, kikkut inuussutissarsiutigalugu piniarnermut allagartartaarsinnaanerannik takussutissiisumik.

- 2. Qanoq iliorlutik Naalakkersuisut nakkutigisarpaat inuutissarsiutigalugu piniartunut pinaluttartunullu piniarnermut allagartamik tunniussinermi malittarisassat tamarmik malinneqarsimanersut?**

2 malillugu. Qinnuteqartup immersugassaanik qinnuteqarfissamik sanasoqarnikuuvoq tassanilu kommuunit misissorneqassaaq, piumasaqaatit naammassineqarsimanersut.

Qinnuteqartarneq pillugu suleriaatsit pillugit paasissutissat nassiussorneqartarput kommuunillu ataatsimeeqatigineqartarput paasissutissanik paarlaasseqatigiiffiusunik, kommuunini akisussaasuusunut ikiuutaasunik.

Naalackersuisoqarfiup paasinninneratigut sunngiffimmi piniarnermut allagartanik qinnuteqartarneq suliaqarnerlu pillugit annertuumik nakkutilliisoqarnissaa pisariaqanngilaq. 2014-imi aallartittumik ukiut siuliini akiliisarsimaneq ukiumoortumillu nalunaaruteqartarnerup tungaatigut, Naalackersuisoqarfik annertunerusumik nakkutilliinermik aallartitsivoq, allagartamik nutaamik tunniussisoqannginerani apeqqutit pineqartut iluarsineqareerniassammata.

Inuussutissarsiutigalugu piniarnermut allagartartaarniarluni immikkut akuerineqarnissamik qinnuteqaatit allaffissornikkut suliarineqartarneranni, piffimmi pineqartumi piniartut peqatigiiffiannit inassuteqaammik kommuuni piniartarpoq.

Naalackersuisoqarfimmit pisariaqartinneqarpoq, peqatigiiffiup inassuteqaataa qinnuteqartup piniartutut inuuniuteqarsinnaanera kisimi naliliiffigineqarsimanersoq. Taamaattumik suna naliliiffigineqartassanersoq pillugu, Naalackersuisoqarfik suli kommuuninik piniartullu peqatigiiffiinik suli pikkorissaasassaaq.

- 3. Naalackersuisut ilisimasaqarfiginerlugu sulianut ingerlasunut atatillugu inuit qassit piniarnermut allagartamik qinnuteqarnerminni itigartinneqarsimanertik pissutigalugu naammagittaalliorsimanersut? Taamaassimappallu;**
- a. suliat qassiunersut**
 - b. suliallu nunap immikkoortuinut qanoq agguarsimanersut?**

3 malillugu. Naalackersuisoqarfik naammagittaalliutinik maannakkut suliaqanngilaq.

Aqutsiveqarfinni qinnuteqaatit suliarineqartarnerat assigiinngeratarsinnaavoq. Oqaatigineqareersutut APNN innuttaasunik ataatsimiisitsisarpoq kommuunillu ataatsimeeqatigisarlugit, taakkunani qinnuteqaatinik suliaqartuusut ilitsersuunneqartarlutik, kukkunerit pinaveersaarniarlugit.

Inussiarnersumik inuulluaqqusillunga
Med venlig hilsen

Finn Karlsen